



Ассаламу аьлайкум, дустал

12+

ХХЯХЖА БАРГЪ

Лакрал райондалул кказит. Ита бакълай 100-сса шин.

«ЗАРЯ»

Нюжмар
30 июнь
2023 ш.

№28 (9449)

www.zaria-online.ru
gazetazary@mail.ru

Батлаву

Дягъулул кьини дунни

Июньдалул 22ний Гъумуксса, Хъундъвилия зона къавхъуминнал хъурматрал гъайкалданучла хъунни дягъулул митинг. Мичча кӀюрххила баллай бия дягъулул музыкалул чӀурду.

Ссят 14ний гъайкалданучлан бавтӀуна райондалий каялушиву дайми, администрациялул, аьралий комиссариатрал, культуралул, идарарттал зузалт, тамашачитал.

Дягъулул митинг тӀитиннин гъайкалданий бивхуна тӀутӀал шалка.

Митинг тӀиртӀусса Юсуп МахӀаммадовлул бувсуна лавмартну, дяъви къабансса кьутӀи дурну дунура фашист Германия кӀюрххилу, ссят 4ний паракъатсса Совет хӀукуматраин хъавшиву.

Му чӀумалнин Германия-



нал хъяпулун лавсун бивкӀшиву Италия, Румыния, Финляндия, Венгрия, Словакия, Норвегия.

1418 кьини ва хъхъуну най бивкӀсса дяъвилул 26,8 млн. совет халкъ жаннацӀа бувшиву, чӀявумий совет аьрал

ливтӀушиву дяъвилул байбихъулий, яни 1941 шинал июньдалул 22ния 1942 шинал ноябрьданул 1нин биянин.

Мукъра шинал мутталий фашистурал ппив бувшиву жула 1700хъул мюрцихъуни шагъурду, 70 азарахъул шяравалурду ва м.ц.

-Хъундъвилю гьалгъа тӀий, дяъвилул чӀу кьабаяннав тӀий бунува, уттигу жула аьскарнан багъунни Ватан дуручлан, му нигъачӀавриву къадитан. Уттигу жула къучагътал, ватандуруччулт ккаккан дуллай бур цала кьирият, фашизм цӀунилгу сукку шаву дацӀан

дан. Мукунминнал чӀарав бацӀаву, кулпатирттан кумаг баву муданма бачин бансса масъалар, - увкунни район-

далул бакӀчинал.

БавтӀириннал хъхъичӀ ялагу дягъулул кьинилуцӀун бавхӀусса, СВОлул иширттая кӀицӀ буллалисса ихтилатру бунни аьралий кьуллугъ бан наними хӀадур баврил, ми тӀайла буккавил иширтталсса буллалисса военкоматрал отделениелул начальник Ажуб Юсуповлул, ветерантурал Советрал председател Сулайман ХӀажиевлул, Хъундъвилий, СВОлий ливтӀуминнал рухӀирдаяту АлхӀам бувкунни Гъумучиял мизитрал имамнал.

Гъумуксса искусстволул школалий вардихъанахъисса оьрчӀал, З. Кьурбановал, Ш. Кандаалаевлул, А. МахӀаммадовал дурккунни дяъви къачру тӀисса журалул назмурду.

Дяъвилул иширттая шаэрнал пасихӀну чирчусса назму дурккунни культуралул зузала Шамсият Какваевал. Ахирданий циняв цачӀун бавтӀун рирщунни дакӀний личансса сурат.

Культура

Маннархъал Мусал ххарисса аьрххи

Июнь зурул 24ний райондалий агьамсса иш хъунни. СоветСоюзрал Виричу, легчик-космонавт, билаятрайва пахру байма Муса Маннаров ва мунашалсса дувстал, мачча-гъанми бувкӀунни Гъумукун.

Муса учӀаврил савав хъанай дия райондалий хъхъичӀунмай тӀивтӀуну бивкӀсса, Муса Маннаровлул цӀанийсса музей цӀубуккан бувну, экспонатирттал авадан бувну бунутӀий, му цӀунилгу тӀитӀин. Му хъанай бур Дагъусттан Республикалул тарихрал ва краеведениелул, Тахо-Годил цӀанийсса музейрал Гъумуксса филиал.

Хъуйну бакьин бансса каши хъунни ялттугу, вихгу музейран.

Совет Союзрал Виричунашал бия космонавтикалул аьралуннал полковник, Мусал ссурахъу МамматӀиев Аслан, 1988ку шинал олимпий тӀуркӀурдай гьуртту хъусса, цӀанихсса спортрал мастер, 1988ку шинал радиолувух ссавруннайсса Мусацал гьалгъа тӀий ивкӀсса Эдуард Собич, РДлул Халкъуннал Собраниелул депутат Марат Ильясов, РДлул культуралул министр Зарема Буттаева, РДлул Тахо-

Годил цӀанийсса, тарихрал ва краеведениелул музейрал директор МахӀаммадов Пахруттин ва цайми хъамал.

ЦӀубуккан бувсса музей тӀитӀаврин хасъсса митинг хъунни музейрал къатрал хъхъичӀ майданнив.

Райондалул бакӀчинал Ю.МахӀаммадовлул бувкӀсса хъамал ца буссарив бувсун махъ кӀицӀ бунни Гъумуксса музейрал таварихрая. Музейрахъсса кьатри Муса Маннаровлул ссайгъатран райондалул агьалинал хушрай дартӀсса арцуцӀух бувну бивкӀшиву. Космонавтналгу ми кьатрая музей бара тӀисса тавакью бувшиву. Амма вай кьатри

цӀананин ремонтрал, чӀа-лачӀиндарал чулуха ххуйсса даражаллий кьадиркӀшиву.

Культуралул Министр Зарема Буттаевал, Республикалул музейрал директор Пахруттин МахӀаммадовлул, райадминистрациялул кумаграйну цӀусса даражалин дурчушиву.

Шивун туристал, учительтал, дуклаки оьрчӀру, библиотекарттал зузалт чӀун-чӀумуй буххайшиву, мероприятияртту шайшиву ва м.ц.

Хъирив махъ лавхъсса За-

рема Буттаевал барча бунни бавтӀицири райондалий ца культуралул кьору бакьин бан, авадан бювхъунутӀий. Зумух лавсунни хӀакьинусса кьинилуцӀун хъинну бакьлакьисса, хъунасса шаэр Расул ХӀамзатовлул чирчусса назмулувасса ххару.

-Дунияллул лагрулий цӀа бюхттул хъусса, Аьрасатнал космонавтика хъхъичӀуннай дурсса рекордсмен, Муса Маннаровлул цӀа дизан бириву му агьамсса тарихрал ишири, ванил оьрму буллалиссар чӀявусса культуралул, тарихрал иширттан.

ЧӀявусса агьлу, туристал, ялун нанисса ник кӀул хъунтӀиссар миннушал.

Музейрал экспонатру гьарза хъуссар. Миннувух дуссар М.Маннаровлул цала архивравассагу, - увкунни ванил.

Ихтилат бунни Совет Союзрал Виричунал:

-Ххирасса аьрщарайчувтал, лакрал жямат! Ххарира зу Гъумучиял шагърулий, буттахъал аьрщарай барча бан биривну.

Ва музей бавриву ттул хъунмасса бияла бакъассар, на зухъ, цала арцух кьатри дан, музей бакьин, цӀубуккан бан кумаг бувминнахъ дакӀнихтуну барчаллагъ тӀий ура. Республикалул музейрал филиалну музей бушавугу мюнпатсса масъ-

(Ахир 2 лаж.)



Маннархъал Мусал ххарисса аьрххи

(Дайдихъ 1 лаж.)
Лакрал райондалий
укунсса ишру ч1яву хьуннав.
Гьарца оьрмулул иширттаву

хьхьич1ун ливчусса, ц1анихс-
са агьалинал дурмур бюхттул
дайсса, бивк1мур абадул байс-
са культуралул кюрури ва.



Ялун нанисса никиртгал эбрат
ласунсса, пахру банминнацал
дувс хьунсса к1ану хьанай бур
музей, - т1ий ур Муса.

Музей т1ит1аврил лис-
су кьукьин тавакью бун-
ни бувк1сса хьамаллурахь:
М.Маннаров, З.Буттаева,
Эдуард Собич.

Хьйирив тамашачиту-
рал ххал дунни райондалул
культуралул зузалтрал, Гьуму-
мучиял школалул, Гьумук-
сса искусстволул школалул
дуклаки оьрч1ал сакин дурс-
са концерт.

Му дачин дурну ия РДлул
культуралул лайкь хьусса зу-
зала Аь-Х1.Шамхалов.

Тамашачитуран ххуй
дирзунни «Гьази-Гьумучи»
ансамбльданул, миннаяр
мюрщиминнал дурсса кьав-
т1авуртту, увкусса балайрду,
дурккусса назмурду.

Мичча Муса Маннаров ва
мунацал бувк1ми лавгунни
Космонавт-Виричунал ц1а
дирзсса Гьумучиял ц1уну
бувсса школалин. Дуклаки
оьрч1ан мунал цала кьул-
басру пиш-каш дунни.

«Лакрал район» МРданул х1укму
2023ш. 20 июнь №120

«Лакрал район» МРданул администрация заллусса аьрцарал х1акьйравусса муниципал кьуллугъ (услуга) баврил сервитута ц1акь давринсса Административ регламент ккаккан даврия

В соответствии с Земельным кодексом РФ, Федераль-
ным законом от 27 июля 2010 года №210-ФЗ «Об органи-
зации предоставления государственных и муниципальных
услуг» и постановлением администрации МР «Лакский
район» от 21 апреля 2022 года №175 «Об утверждении По-
рядка разработки и утверждения административных ре-
гламентов представления муниципальных услуг» админи-
страция МР «Лакский район» пстановляет:

1. «Лакрал район» МРданул администрация заллусса
аьрцарал х1акьйравусса муниципал кьуллугъ (услуга)
баврил сервитута ц1акь давринсса Административ регла-
мент ц1акь дан.


2. Ва х1укму гужравун бухлахиссар райондалул «Хях-
хабаргъ» кказитрай бивщусса кьинилия шихунмай.

Х1укму биттур шаврий контроль бан администрация-
лул бак1чинал заместитель А. Кьюннуевлун.

Ю. Х1. Мах1аммадов, райондалул бак1чи.



Укун итххявхсса жагьилтал бур жула дянив



МВДул Лакрал МО

Опративно-профилактическая операция МАК-2023

«Мак-2023» операциялул яла агьамми мурадиртгавасса ца хъанахъиссар, наркотикру дайсса затру дунутГий, дугълан, хяхххан дуллан къадагъа дирхъусса хяхххияртту дусса к1анттурду к1ул бувну, ми духлаган даву.

Мукумма - вах1шину цирда хяххлахисса, наркотикру дайсса затру дусса к1анттурду к1ул бувну, ми духлаган дансса давуртту сакин даву. Хяхххан дуллан къадагъа дирхъусса наркотикру дайсса затру дусса хяхххияртту дугълай, закондалуцлун къабавкъуну ми хяхххан дуллалисса инсантал к1ул бувну, ми жаваблвшиндарайн к1унк1у бавугу мукумма хъанахъиссар агьамсса мурад.

сир хъуманан ккаккан бувну бур 10 шинайн бияннинсса х1аллай тархъаншиву зехинсса (дуснакъ ансса) таммих1 (РФлул Уголовный кодекс, 228 статья).

Наркотикру дайсса ягу ния зия дайсса затру дусса хяхххияртту закондалуцлун къабавкъуну дугъларча, уголовный таммих1 бан бюхъайсса шанттурш азара къурушрал аьч1а дирхъуну ягу судрахъхун агьманал к1ира шинайн бияннинсса ппурттугу лавсун бивк1сса харжирал ягу ляркъусса арцул лагрулийсса аьч1а дирхъуну, ягу мукътуршлий мяйц1алуннин дияннинсса ссятурдий чарабакъа дансса давурттай зузи увну, ягу к1ира шинайн дияннинсса ч1умуйсса тархъаншиву ссуссуку дурну, ягу мукссава х1аллайсса тархъаншиву зерххуну (дуснакъ увну) (РФлул УК, 231мур статья).

Дак1нин бутлай буру, ц1ана ишла хъанахъисса законнайн бувну, даххансса къаст дакъа, наркотикру дайсса затру, ния зия дайсса (психотропные) затру ягу миннуха лархъусса цайми затру закондалуцлун къабавкъуну машин ласурча, ядулларча, чун дунугу ларсун ачирча, х1адур дулларча, миннуя ци-дунугу дулларча, ккаккан бувну буссар административный таммих1 - мукъазара къурушрайн дияннинсса административный аьч1а дишаву ягу ац1ния ххюва гьантлуин бияннинсса х1аллай административный арис ришаву (дуснакъравун акъаву) (РФлул КоАПрал 6.8 стгъя). Мукуммасса таммих1 ккаккан бувну буссар, даххансса къаст дакъанна, закондалуцлун къабавкъуну, машин ласурча, ядулларча, чун-дунугу ларсун ачирча наркотикру дайсса затру, ния зия дайсса затру ягу миннул бут1ри.

Агар мира давуртту дурну духъурча хъунисса ва лап хъунисса лагрурдай, ккаккан дурну дуссар уголовный жаваблвшин. Му ч1умал тах-

Агар ялун личин барча наркотикру дусса ва ния зия дайсса затру закондалуцлун къабавкъуну ишла дуллалисса ишру (миннувах - закондалуцлун къабавкъуну ми дугъаву, ми хяххлахисса к1анттурду ялун личин баву), мукумма наркотикру дайсса затру дусса хяхххияртту закондалуцлун къабавкъуну дугълай, хяхххан дуллалисса инсантал к1ул баву) тавакъюри баян бан Аьрасатнал МВДул Лакрал МОрал дежурный частрайн телефондалул вай номердай овькуну: 98-44-93; 98-44-95.

С. А. Бариева,
МВДул Лакрал МОрал
СМИлуцал дах1авуртту
дуллалимур.

Дягъулул къини - Хъунав

Хъунайнал культуралул къатлул зузальт П.Ц1аххаевал ва И.Мах1аммадовал цала шяравусса инсантурацал ва школалий дуклаки оьрч1ацал июньдалул 22ний сакин дунни Дягъулул къинилун хас дурсса бат1аву.

Шала жямат бавт1уна дяъвий жанну харж дурминнан дац1ан дурсса гъайкалдануч1ан. Миннавух бия жагьилний, мюрциний дяъвилул шинну цанна ккаркмигу.

Бат1аву т1ирт1уна администрациялул бак1чи А.Ц1аххаевлул. Цала ихтилатраву мунал бувсуна, циксса зах1матшивуртту дух1ан багъсарив жула аралуннангу, къинттулух узиминнангу, ххувшаву ла-

суншиврул. Ихтилатру бувна дяъвилул шинну цанна ккаркминангу, бувсуна, гай шиннардий цанна ккарксса, цала дурх1усса зах1матшивурт-



тая. Дяъвий жанну харж дурми дак1нин бичлай, гайннал х1урматран циняв ца минут1райсса къабагъуна. Яла шяравуинангу, дуклаки оьрч1алгу гъайкалдануч1а бихъуна т1ут1ал шалкри ва кац1ру.



Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»
Адрес:
г. Махачкала,
пр. Насрутдинова, 61.

Срок подписания в печать 17.00
Подписано в 16.00

Газета выходит в неделю 1 раз.
Тираж 682 экз.
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов.

Зул-Хиджжа барз

Къурбан-байрам

(Ид ал-Адх1а)

Мусулмантурал биттур бан буржлувсса, Исламрал ттарц1руну хъанахъисса ххюва буржиравасса ца - х1аж баву, биттур байссар Зул-Хиджжа зуруй.

Му зурул ац1улчинмур кьини хъанахъиссар мусулмантурал яла хъунмур байрам - Эд ал-Адх1а (Къурбан-байрам). Гъашину му байрам дагъунни июньдалул 28ний.

Байрамрал хъхъич1сса, зурул 9мур кьинигу хъанахъиссар исламраву бусравсса Аьрафалул кьини. Му кьини х1аж буллалими лагайссар Аьрафат баклуч1асса даралин. Микку х1арачат бан аьркинссар, «Бисмиллагърая» байбивхъуну, азарила «Ихлас» т1исса сура («Кьулгъу») буккин. Идавсил х1адисрай т1ий бур, азарила Аьрафат даралува «Кьулгъу» буккин бювхъуманан циняв бунагъру х1алал байссар, т1ий.

Х1аж къабуллалиминнан Аьрафалул кьини зума дургъун хъинссар. Му дургъуманан бахшиш дусса дур к1ира шинал мутталий зума дургъуссаксса.

Аьрафалул кьини баргъ бахълавгукун байбивхъуну, байрамрал чак байбишиннин мусулмантурал такбир



дуклан биклайссар: шардагу, мизитравугу, кличирттавугу, майданнайгу - гъарца к1анай. Мунил ч1алач1и байссар, му шяраву, шагърулий

мусулмантал яхъанай бушиву. Такбир дуккайссар яла гъарца чаклил хъиривгу азкарду дайдишиннин. Мукул такбир дуклан биклайссар ташрикьрал махъа-махъсса кьини ахттакьун чак баннин.

Къурбан-байрамрал хъхъич1сса хъхъу угтара дурну хъинссар эбадатру дуллай. Хъатлан чакгу, к1юрх-

зун махъ. Мукулма михъру къувкъуну, ч1арарду кут1а дурну, марц1шивуртту дурну хъинссар.

К1юрххил, баргъ бувккун ца 45 минут1 хъусса ч1умал байссар байрамрал чак.

Байрамрал чак къуртал хъуну махъ бихлан биклайссар къурван буллалисса х1айвантру. Ми биххан бу-ч1иссар байрамрал кьинигу, хъиривсса шанна ташрикьрал кьинигу. «Ттул умматрава ххуйминнал биххайссар къурбан, оьккиминнал къабиххайссар», - куну бур идавсил х1адисрай.

Къурбан булун, биххан бу-ч1иссар оьл, къяча, ку, къяца, варани. Оьл ва варани - арула инсаннахлу, ку, къяца - ца инсаннахлу биххайссар. Къурбандалун бивххусса х1айвандалул дик1 дарч1уну хъинссар маэшатрал к1юламиннайх, барачатран бивххуманал цанмагу шаппа ца бут1а дик1ул къабивтун. Х1айван биххансса ч1ила ххуйну даел дан аьркинссар, биххансса х1айвандалунгу ккаккан ритан къабуч1иссар. Бихлахисса х1айвангу цайми х1айвантран ч1алай бик1ан къабуч1иссар.

Къурбан булайни дуккаймургу клулун диклан аьркинссар. Му къадуккирча, къурбан булаву къахъанахъиссарча, укунма х1айван биххаву хъанахъиссар.

Прокуратура

АГЗС - операция

Ккуллал райондалий ца шяравусса автомобиллавун газ бут1айсса станциялий, автомобиллансса ччуччия х1исаврай, муштаритуран газ бахлай ивк1унт1ий, ца ишбажаранчинан судрал х1укму къувкъунни.

211.07.1997 шинал (№116-ФЗ) итадаркъусса «О промышленной безопасности опасных производственных объектов» т1исса закондалин бувну ва газозаправочная станция пожар хъун, п1якъ учин бюхъайсса производстволул объект хъанахъиссар.

Мукул, 2020-2022ку шиннардий АГЗСрду ишла бавриву итадаркъуну дур, цувлусса ишбажаранчишиву дуллалиманал закондалул т1алавшин къадуроччаву, пожар, апат1 шаврия нигъач1ишиву душиву. Къабурувччуну бур му иширан хъаьсса законнал ч1явусса пунктру, т1алавшинну.

«Республиканский центр экспертиз и оценки» ООолул дурсса пожарно-технический ххалбигъаврил ч1алач1и бунни микку итадаркъусса диялдакъашивурттайну халкъуннал ц1улушиврун нигъач1аву хъанай душиву, АГЗСрал цала зузалт нигъач1авриву, хар-хавар бакъасса бала-апат1 ялун биянсса, экология зия дансса, инсан ивч1ан бюхъайсса тагъар ду-



шиву. Мукулмасса информация буллунни РДлул МЧСрал управлиелулгу.

Цувалусса ишбажаранчи Ростехнадзорданул сиях1райгу акъар, му хъанай ур нигъач1исса объектрал заллу. Ростехнадзорданин увкккун акъар станциялул нигъач1аврил класс лич1и бан, зузалтрал аттестация дан. Ларсун дакъар станция зузи бансса лицензия ва м.ц.

Судрал х1укму бувну му ишбажаранчинай дирхъунни арцуйнусса аьч1а.

Рамазан Буттаев,
прокурорнал кумагчи,
1мур классрал юрист.

Баян баву

Дахлай бур Гъумучиял шяраваллил дянивсса мах1алайисса, 2 зивулийсса къатри. Къатрал багъа 600 000 къуруш. Багълуй бакьинну. Ц1уххин бюхъайссар телефондалул ва номер-даний оьвкуну: 8 989 665 76 44.



Дягъулул кьинилун хасну

Хъуртал КДЦлий ва библиотекалий июньдалул 22ний т1ирт1уна луттирдал выставка му кьинилун хъаьсса.



Мяйлчинмур классраву дуклакисса Салима Х1ажиевал бувккуну Абачара Х1усайнаевлул чивчусса луттиравасса ца бут1а, дявь байбивхъусса куц бусласисса. Цайми дуклаки оьрч1алгу дурккуну дявьвилун хас дурсса назмурду.

Дявьвилиа зана къабивк1иминнан дацан дурсса гъайкалдануч1а дуклаки оьрч1ал дурна линейка. Ца минут1райсса къабагъну, дак1нийн бивчуну дявьвилый жанну харж дурми: подполковник **Бадалов Ц1аххай Х1ажинал арс** (1915-1945 ш.ш.) - сапертурал батальондалул командир. Жан

харж дурну дур 1945 шинал Берлиннай. Лайкъ хъуну ур Ят1ул ц1укул ва Ят1ул ттугълил орденнан; **Къандалаев Нариман Мах1аммадул арс**. Лайкъ хъуну ур Ят1ул ц1укул ва 1мур даражалул Буттал кланттул ц1анисса дявьвилул орденнан; **Х1ажиев Х1ажи Х1ажи-Буттал арс**. 1941 шинал аьралуннавун увцун ур, 1942 шинал цивхъуссарив къаклулну акъа хъуну ур. 2006 шинал мачча-гъаннан баян бувну бур му увччусса клану. Увччуну дявькьун ур уссушиврул гъаттаву Курск шагърулия арх бакъасса кланай. Мукулма цаймигу...